

dere maritantur, et quod lex salvandum predicat, de jure salvetur, et quod condemnandum judicat, ex justicia condemnetur, quod satis illudit utriusque deffinitioni.

Est enim lex adiciens honestum, et prohibens contrarium; justicia vero virtus est ejus suum quique conferens, damnans reos absolvens innoxios.

Quibus constanter dispositis ad honorem sanctae matris ecclesiae et augmentum fidei catholicae, quae in termino alcazarenensi de novo populavit, deo vivo et vero, cui servire regnare est, cujus jugum suave et honus leve, littere serviant et sicut unius dei mandatis, ita unius regis et principis obediant edictis.

Hunc ergo dignitatis apicem et libertatis prerrogativam, ego santius dei gratia rex, una cum uxore mea maria regina, et serenissimo filio nostro ferdinando, cujus ortus urbem prescriptam insignivit, sereno ac benigno vultu alcazaribus populis, et eorum sucesoribus concedo; et ut in posterum confrigi non possit sigilli nostri patrocínio ac regali munimine confirmo.